

den vnd Türcken / vnd hat trefflich Glück / vnd thut viel Gutes bey dem Christenthumb.

Der Stern bezeichnet grosse Rathschläge / vnd Heeres Rüstung / beyde der Tartarn vnd Moskabitern / nach der Zeit. Alsdann wird erfüllt / was der Prophet Ezechiel / die Offenbarung S. Johannis / vnd die ganze H. Schrift von Gog vnd Magog saget / vnd propheet / das lise Mensch / thue Buß / vnd richte dich darnach / vnd erhebe dein Haupt / vnd warte auff die Erlösung des Menschen Sohns. Sela.

Gott der Herr will den Gog vnd Magog nicht ehe auß ihren Ländern führen / mit irem Großmächtigen Heer / Rossen vnd Männern / mit ihren Tartischen / Schild vnd Schwerdt gewapffnet / mit Mars deren / Zobel / Silber / Gold / vnd Edelgestein bekleydet / bis so lang Littaw vnd Polen ein ander Haupt zum Obersten Regenten vberkommen / vnd Polen vnd Littaw mit viel andern Fürsten / Beywohnen vnd Starossen des Lands verändert / der Baal bey ihnen betäubet / vnd in Europa geschwächet / vnd ein Christliches Concilium seyn wird / Liefflandt / Littaw / Polen werden hart mit Scharmühen vor der Zeit vom Gog / Mesach vnd Thubal heym gesucht werden.

Alle Völcker die Tartischen / Schild / Helm / Bogen vnd Pfeyl führen / die werden sich zur letzten Zeit zusammen schlagen / vnd werden vnter sich ein Verbündnuß machen / vnd ziehen eynhellig auff wie ein Wolcke das Erdreich zu bedecken / mit grossem ruffen vñ schreyen / das aber geschicht nicht ehe / bis Europa sie zerrissen.

In den Tagen / wann der Oberste Magog / von seinem Magog wird häfftig angefochten / vnd der oberste Magog in grosser Noth stehen wird / vnd sein Reich vnd Türckischer Abgott die helffte gestürzet: Das ist: wann das Türckisch Kayserthumb vnd Türckischer Abgott von den seinigen nechstem Geblüt vnd engen Türcken / vnd den beschnittenen Mamluckeen / mit den Wenden / auff das allerhäfftigste bekrieget / vnd streitten werden vmb das Türckische Kayserthumb / werden die Christen auß Teutschlandt durch Vngarn in Türcken ziehen / mit Stahl vnd Eysen / vnd einer streitbarn Person hälff thun /

D

wider